

॥ नमो तस्स भगवतो अरहतो सम्मासम्बुद्धस्स ॥

## नीतिमज्जरी

१. कुलक्खये विनस्सन्ति,  
कुलधम्मा सनन्तना ।  
धम्मे नट्टे कुलं सब्बं,  
अधम्मो अभिभू खलं ॥

२. अधम्माभिभवा दन्ता,  
पदुस्सन्ति कुलित्थियो ।  
थीसु दुट्ठा स्व धम्मेन,  
जायते वण्णसङ्करो ॥

३. पियं भासे गुणग्गाहो,  
सूरो सिया विकन्तनो ।  
दाता चन्दसमा नारी,  
दिट्ठं दिट्ठं नहासये ॥

४. कुतोत्थि कुमित्ते सच्चं,  
कुदारे रतिवट्ठनं ।  
कुदेसम्हि मनो रम्मं,  
कुराजे भोगसम्पदं ॥

सङ्केतेव अमित्तस्मिं,  
मित्तस्मिं पि नविस्ससे ।  
अभया भय मुप्पन्नं,  
अपि मूलानि कन्तति ॥

अदिट्ठोव परो सेय्यो,  
दुम्मित्तो नो विस्सासिको ॥

अग्गिहोमफलं वेदो,  
सत्थंसीलफलं मतं ।  
रतिपुत्तफलं नारी,  
दानभुत्तिफलं धनं ॥

असच्चं साहसं माया,  
मूळहत्तं म तिलोभता ।  
असोचं निद्वयत्तञ्च,  
थीनं दोसा सभावजा ॥

जायाय भत्तुनो भारो,  
सिस्सेन गुरुनो कतो ।  
अमच्चकेहि राजस्स,  
पितरानं निजेनच ॥

५. उय्यमेन हि सिज्झन्ति,  
कम्मानि न मनोरथा ।  
न हि सुत्तस्स सीहस्स,  
पवीसन्ति मुखे मिगा ॥

अतिसीतं अतिउण्हं,  
अतिसायमिदं अहु ।  
इति विसट्ठकम्मन्ते,  
खणा अच्चेन्ति माणवे ॥

आदानस्स पदानस्स,  
कत्तब्बस्स च कम्मुनो ।  
खिप्पं अकय्यमानस्स,  
काले पिवति सम्पदं ॥

नादब्बे निहिता काचि,  
क्रिया फलवती भवे ।  
नब्बापारसतेनापि,  
सुकोव पाठते बको ॥

यो दन्धकाले तरति,  
तरणीये च दन्धये ।  
सुखपण्णं व अक्कम्म,  
अत्थं भज्जति अत्तनो ॥

६. यं ददाति यं भुज्जति,  
तदेव धनिनो धनं ।

अञ्जे मतस्स कीळन्ति,  
दारेहिपि धनेहिपि ॥

दानोपभोगहीनेन,  
धनेन धनिनो सुखं ।  
को विसेसो दलिदस्स,  
अधिकं धनरक्खणं ॥

निजसोख्यं निरुन्धन्तो,  
नीचभोगो मितम्पचो ।  
धनं सञ्चयते यो सो,  
परभारवहो पसु ॥

यं उस्सुका सङ्खरोन्ति,  
अलक्खिका बहुं धनं ।  
सिप्पवन्तो असिप्पावा,  
लक्खि वा तानि भुञ्जति ॥

७. सम्पत्त्यं महत्तं चित्तं,  
भवे उप्पले कोमलं ।  
विपत्त्यंच महासेल,  
सिलासङ्घातकक्कसं ॥

८. असम्भव्यगुणं थुत्वा,  
खेदो मुधाव जायते ।  
अक्कायं चन्द मु ल्लोक्य,  
नचन्दोत मु पागमी ॥

९. सच्चं मुखम्हि धारेय्य,  
कण्णे सुत्तं भुजे जयं ।  
हृदयम्हि खमं वीरं,  
लोकादासंच लोचने ॥

सद्दमत्तं नफन्देय्य,  
अञ्जत्वा सद्दकारणं ।  
सद्दहेतुं परिञ्जाय,  
पमोदो वा भयो तथा ॥

सब्बसुत म धीयेय्य,  
हीनमुक्कट्टमज्झिमं ॥

१०. दुन्नारिया कुलं सुद्धं,  
पुत्तो नस्सति लालना ।  
समिद्धि अनया बन्धु,  
पवासा मदना हिरी ॥

लालये पञ्चवस्सानि,  
दसवस्सानि तालये ।  
पत्तेतु सोळसेवस्से,  
पुत्तं मित्तं आचरे ॥

लालने बहवो दोसा,  
लालने बहवो गुणा ॥

पापा निवारयति योजयते हिताय,  
गुह्यानि गूहति गुणं पकटीकरोति ।  
आपत्तिकञ्च नजहाति ददाति काले,  
सम्मिन्नं लक्षणमिदं पवदन्ति सन्तो ॥

११. दुज्जनो जीयते युत्या,  
निग्गहेन नधीमता ।  
निपात्यते महारुक्खो,  
तस्समीपं खतिक्खया ॥

वने मिगाचं लुब्धानं,  
दुज्जनानञ्च सज्जना ।  
अकारणवेरी होन्ति,  
तिणभक्खा सुपेसला ॥

पादलग्गं करट्ठेन,  
कण्डकेनेव कण्डकं ॥

बालं नपस्से नसुणे,  
नचबालेन संवसे ।  
बालेनाल्लापसल्लापं,

नकरे नचरोचये ॥

१२. उप कर्तुं यथा खुद्दो,  
समत्थो नतथामहा ।  
कूपो हि हन्ति पिपासं,  
नतु पायो महम्बुधि ॥

१३. आदानस्स पदानस्स,  
कत्तब्बस्सच कम्मुनो ।  
खिप्पं अकरमानस्स,  
कालो भक्खति तं रसं ॥

नक्खत्तं पटिमानेत्तं,  
अत्थो बालं उपज्झगा ।  
अत्थो अत्थस्स नक्खत्तं,  
किं करिस्सन्ति तारका ॥

अजरामरोव पज्जो,  
विज्जमत्थज्ज चिन्तये ।  
गहितोविय केसेसु,  
मच्चुना धम्ममाचरे ॥

१४. वज्जा गुरूच मन्तीच,  
तयो रट्ठाभिसङ्घता ।  
जीवीत दक्ख कोसानं,  
वड्डना नासनाच ते ॥

१५. थिरेन कम्मं वड्डति,  
अथिरेन तुरेन नो ।  
फलन्ति समये रुक्खा,  
सित्तापि बहुवारिना ॥

वायामेथेव पुरिसो,  
ननिब्बिन्देय्य पण्डितो ॥

पयतनो तादिसो नेव,  
कय्यो येन फलं नहि ।

सेलगो कूपखणना,  
कथं तोयसमागमो ॥

जाणङ्कुसेन सम्मगं,  
निय्यत्युस्साहकुञ्जरो ॥

असमेक्खितकम्मन्तं,  
तुरिताभि निपातिनं ।  
तानिकम्मानि तप्पेन्ति,  
उण्हं व ज्झोहितं मुखे ॥

१६. छद्दोसा पुरिसेनेह,  
हातब्बा भूतिमिच्छन्ता ।  
निद्दा मज्जं भयं कोधो,  
आलस्यं दीघसुत्तता ॥

न दिवा सुप्पसीलेन,  
रत्तिमुट्ठानदेस्सिना ।  
निच्चसोण्डेन मत्तेन,  
सक्का आवसितुं घरं ॥

अभेतब्बम्हि भायन्ति,  
भायितब्बे नभायरे ।  
भयाभय विमुळ्हा ते,  
जिम्हानुगा उजुञ्जहा ॥

यस्स मनुस्सभूतस्स,  
नत्थि भोगाच सिप्पकं ।  
किं फलं तस्स मानुस्सं,  
द्विपादट्ठो हि सो मिगो ॥

१७. नानोपायोव कत्तब्बो,  
सचे भवेय्य अत्तनो ।  
अत्थसिद्धि यथाकामं,  
उपायो हि हितञ्जसो ॥

लञ्जदानबालिसेन,

कूटडुकारधीवरा ।  
विनिच्छयमहामच्छं,  
ओट्टेन्ति लोभसागरे ॥

यस्सेते चतुरो धम्मा,  
वानरिन्द यथातव ।  
सच्चं धम्मो धीति चागो,  
दिट्ठं सो अतिवत्तति ॥

१८. विद्वाच रतनं नारी,  
वीणा सात्थं गिरंमही ।  
गुणविसेस मागम्म,  
गुणानि अगुणानिच ॥

धनवा बलवा लोके,  
धना भवति पण्डितो ॥

सुमने निस्सितो कीटो,  
निग्गुणो हीनको सयं ।  
तं पुप्फेहि मण्डेन्तानं,  
रज्जं सिरोपि रोहति ॥

अलक्खिकेहि सञ्जीता,  
धनभोगाच चिन्तिता ।  
लक्खिकस्स भवन्तेते,  
लक्खिवा सुद्धुभुज्जति ॥

खत्तियो सेट्ठो जने तस्मिं,  
यो गोत्तपटिसारिनो ।  
विज्जाचरणसम्पन्नो,  
सो सेट्ठो देवमानुसे ॥

विसापि अमतं गण्हे,  
गूथतो मणिमुत्तमं ।  
कण्टकपादपा पुप्फं,  
थिरतं दुक्कुला वरं ॥

धनिस्सरादिगुणोम्मि -  
वेगेन वाहिता पजा ॥

१९. यस्स त्थि सततं मेत्ता,  
सब्बलोकसुवल्लभा ।  
कूपायते समुदोपि,  
अग्गि तस्स जलायते ॥

२०. सक्खरायति मेरूपि,  
विसभक्खो सुधायते ।  
ससायते मिगराज,  
ब्यालो मालागुणायते ।  
दोलायते छमाचालो,  
नानावुधा तिणायरे ॥

२१. समेव सति उस्साहे,  
सुखवाहो हितङ्करो ।  
ऊने-धिके तथा नोहि,  
मज्झगो साधु सब्बदा ॥

साधु खो पण्डितोनाम,  
नत्वेव अतिपण्डितो ॥